

**Datos Do Expediente:**

XUNTA DE GOBERNO LOCAL	
Unidade Tramitadora:	
Organos de Goberno e Central -	
Número expediente:	Documento:
AYT/XGL/34/2020	GOB1410HE
5D474N0H2E065R080887	

ACORDOS DA XUNTA DE GOBERNO LOCAL, DE DATA OITO DE OUTUBRO DE DOUS MIL VINTE

<p>SRES/AS ASISTENTES:</p> <p><u>SRA ALCALDESA-PRESIDENTA:</u> MARIÁN FERREIRO DÍAZ</p> <p><u>SRES/AS CONCELEIROS/AS:</u> D/D^a GUILLERMO SANCHEZ FOJO D/D^a MANUEL ANTONIO RAMOS RODRIGUEZ D/D^a ROMAN ROMERO FRANCO D/D^a MARIA DE LA MERCED TAIBO REY D/D^a M.DEL MAR GOMEZ CASAL D/D^a JOSE OREONA BRA D/D^a JOSE DAVID PITA BREIJO</p> <p><u>SRA. INTERVENTORA XERAL:</u> D/D^a M^aDEL PILAR CANZOBRE MÉNDEZ</p> <p><u>SR. SECRETARIO XERAL:</u> D/D^a ALFONSO DE PRADO FERNÁNDEZ-CANTELI</p>	<p>Na casa do Concello de Narón, ás 11:00 do oito de outubro de dous mil vinte, baixo a presidencia da Sra. A ALCALDESA-PRESIDENTA, MARIÁN FERREIRO DÍAZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretario ALFONSO DE PRADO FERNÁNDEZ-CANTELI, O SECRETARIO XERAL.</p> <p>Aberta a sesión de orde da presidencia adoptáronse os acordos seguintes:</p>
---	--

1º.- APROBACIÓN, SE PROCEDE, DA ACTA DA SESIÓN ANTERIOR

Dada conta da acta da sesión anterior, a Xunta de Goberno Local, deulle a súa aprobación.

2 .- DAR CONTA DUNHA RESOLUCIÓN DA ALCALDÍA SOBRE ADHESIÓN AO PEL-REACTIVA:FONDO DE FINANCIAMENTO PARA A REACTIVACIÓN ECONÓMICA E SOCIAL DA PROVINCIA DA CORUÑA.- Dase conta da seguinte resolución: RESOLUCIÓN DE ALCALDÍA

Visto o informe-proposta de resolución cuxa literalidade se transcribe a continuación:

“ASUNTO: Adhesión ao PEL-REACTIVA: Fondo de financiamento para a reactivación económica e social da provincia da Coruña convocado pola Deputación da Coruña, marcado pola excepcionalidade do COVID-19

A Xefa do Servizo Sociocomunitario Municipal, Yolanda Martínez García, en relación co expediente relacionado no asunto emite o seguinte informe-proposta:

ANTECEDENTES:

Con data 05/08/2020 publicáronse no Boletín Oficial da Provincia da Coruña as bases reguladoras das axudas PEL-REACTIVA: FONDO DE FINANCIAMENTO PARA A REACTIVACIÓN ECONÓMICA E SOCIAL DA PROVINCIA DA CORUÑA, que nel se transcriben, destinado a concellos de menos de 50.000 habitantes.

Con data 12/08/2020 publicouse no BOP a Resolución unha modificación das normas reguladoras, e posteriormente, en data 18/08/2020 se publica un extracto complementando as mesmas.

Por Resolución da Deputación Provincial da Coruña, C. Expediente 2020000021805, á vista do informe emitido o 25/09/2020 pola Subdirectora Xeral de Réxime Xurídico Local, resolve cumprimentado o trámite de autorización da Xunta de Galicia para o exercicio legal da competencia establecida no marco do artigo 7.4 da LBRL, para a Deputación da Coruña e os concellos que soliciten a súa adhesión ao PEL-REACTIVA: Fondo de financiamento para a reactivación económica e social da provincia da Coruña.

O obxecto do PEL-REACTIVA, é constituír un fondo de financiamento que facilite aos concellos da provincia da Coruña de menos de 50.000 habitantes os recursos necesarios para mitigar o excepcional impacto económico e social derivado da crisis sanitaria ocasionada polo COVID-19e a entrada en vigor do RD463/2020 de 14 de marzo de estado de alarma e sucesivas prórrogas.

Mediante este fondo os concellos poderán xestionar unha convocatoria de axudas dirixidas a financiar os gastos correntes das persoas traballadoras por conta propia ou autónomas e as microempresas radicadas nos seus termos municipais e directamente afectadas pola crise.

Na distribución do fondo publicado como anexo I, correspóndelle ao concello de Narón en función do censo de autónomos ou microempresas asentados no municipio a cantidade de 457.292,78€ (80%), debendo o concello aportar, de acordo coa norma 18 base 3, a cantidade de 114.323,20€ (20%) para xustificar un total de 571.615,98€.

Se ben a Xunta de Goberno Local ten delegada a competencia para a aprobar solicitude de subvencións a outras administracións públicas, o calendario de celebración de sesións deste órgano, e os prazos establecidos para a súa tramitación imposibilitan a súa aprobación na sesión que lle correspondería, sendo preciso acelerar a tramitación do expediente por existir data límite de presentación da solicitude.

Neste senso, a Lei 40/2015, de 1 de outubro, de Réxime Xurídico do Sector Público, no seu artigo 10 establece: “1. Os órganos superiores poderán avocar para si o coñecemento dun ou varios asuntos cuxa resolución corresponda ordinariamente ou por delegación ós seus órganos administrativos dependentes, cando circunstancias de índoles técnica, económica, social, xurídica o territorial o fagan conveniente. (...) 2. En todo caso, a avocación realizarase mediante acordo motivado que deberá ser notificado aos interesados no procedemento (...).

En aplicación do anterior, corresponde á Alcaldesa a avocación da delegación para a aprobación da solicitude de subvención na Xunta de Goberno Local, debido á urxencia de realizar este trámite, sen prexuízo de dar conta á Xunta de Goberno Local de dita aprobación e do acto de avocación.

FUNDAMENTOS XURÍDICOS:

- Lei 7/1985, de 2 de abril, Reguladora das Bases do Réxime Local.
- Lei 38/2003, de 17 de novembro, Xeral de Subvencións.
- Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións.
- Lei 9/2007, de 13 de xuño, de subvencións de Galicia.
- Lei 27/2013, 27 de decembro, de racionalización e sostenibilidade da Administración Local.
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración Local.
- Lei 39/2015 de 1 de outubro, do Procedemento Administrativo Común das Administracións Públicas.
- Ordenanza xeral de subvencións transferencias da Deputación Provincial (BOP número 72 de 15/4/2019).
- Normas reguladoras PEL-REACTIVA (BOP número 123 de 05/08/2020).
- Resolución de modificación das normas reguladoras (BOP número 128 de 12/08/2020).
- Extracto de Resolución (BOP número 132 de 18/08/2020).
- Resolución da Deputación Provincial da Coruña C. Expediente 2020000021805 pola que se considera cumprimentado o trámite de autorización da Xunta de Galicia para o exercicio legal da competencia establecida no marco do artigo 7.4 da LBRL, para a Deputación da Coruña e os concellos que soliciten a súa adhesión ao PEL-REACTIVA: Fondo de financiamento para a reactivación económica e social da provincia da Coruña.
- Bases de execución do orzamento en vigor.

POR TODO O EXPOSTO, A XEFA DO SERVIZO SOCIOCOMUNITARIO MUNICIPAL, YOLANDA MARTÍNEZ GARCÍA, PROPON A ALCALDÍA QUE RESOLVA:

1º-Avocar a competencia delegada na Xunta de Goberno Local para solicitar a adhesión ao fondo de financiamento que facilite aos concellos da provincia da Coruña de menos de 50.000 habitantes os recursos necesarios para mitigar o excepcional impacto económico e social derivado da crisis sanitaria ocasionada polo COVID-19 , convocada pola Deputación Provincial da Coruña.

2º.- Solicitar á Deputación Provincial da Coruña a adhesión ao fondo de financiamento que facilite aos concellos da provincia da Coruña de menos de 50.000 habitantes os recursos necesarios para mitigar o excepcional impacto económico e social derivado da crisis sanitaria ocasionada polo COVID-19.



3º.- A achega municipal do 20% da cantidade total da axuda financiarase co crédito destinado a convocatoria de subvencións do programa Narón Impulsa, publicada no BOP de 12/05/2020, polo que non será necesaria nova achega municipal.

O cadro de financiamento queda do seguinte xeito:

Aplicación orzamentaria	Achega Deputación	Achega municipal con cargo á convocatoria NARÓN IMPULSA	Importe total proxecto
2410 47900	457.292,78€ (80%)	114.323,20€ (20%)	571.615,98€.

4º.-Delegar en Marián Ferreiro Díaz, Alcaldesa-Presidenta do concello de Narón, a representación coa Deputación Provincial da Coruña, no referente a esta adhesión ao Fondo de financiamento para efectuar todos os procedementos e trámites necesarios (presentación telemática de solicitudes, sinatura electrónica de todos os documentos necesarios, certificacións, etc.)

5º Dar conta da resolución á Xunta de Goberno Local.”

E unha vez intervido de conformidade pola Intervención municipal con data 02-10-2020(ICO14I0DV), o documento SSO14I2IK do expediente SSO/452/2020(código proxecto 2020.5.00000.18), esta Alcaldía, en uso das atribucións que lle confire a Lei Reguladora das Bases do Réxime Local e demais normativa concordante e de conformidade cos servizos xurídicos, **RESOLVE:**

Aprobar o informe-proposta anteriormente transcrito nos seus mesmos termos

A Xunta de Goberno Local, deuse por enterada.

3 .- PROPOSTA DE APROBACION DOS PADRONS FISCAIS POLA PRESTACION DO SERVIZO DE AXUDA NO FOGAR DEPENDENCIA E LIBRE CONCURRENCIA DO MES DE SETEMBRO DE 2020.-

(...)

Primeiro: Aprobar o padrón fiscal correspondente á taxa pola prestación do Servizo de Axuda no Fogar, na modalidade de Dependencia, do mes de setembro de 2020, cun total de 235 contribuíntes e por importe de 22.968,30 €.

Segundo: Aprobar o padrón fiscal correspondente á taxa pola prestación do Servizo de Axuda no Fogar, na modalidade de Libre Concurrencia, do mes de setembro de 2020, cun total de 1 contribuínte e por importe de 61,60 €.

Terceiro: Os padróns quedarán expostos ao público no Concello durante o prazo de 15 DIAS, a contar dende o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102.3 da Lei 58/2003, xeral tributaria, e artigo 24 do RXR.

O prazo de cobro, en período voluntario, será de dous meses, e comprenderá dende o 20/10/2020 ata o 21/12/2020, ámbolos dous inclusive. Transcorrido este prazo, procederase a esixir os xuros de mora e os recargos que establecen os artigos 26 e 28 da Lei xeral tributaria e, no seu caso, as costas derivadas do procedemento de prema.

Cuarto: Durante o período de exposición pública, contra as liquidacións incorporadas aos padróns, todos os interesados poderán interpoñer as reclamacións ou alegacións que consideren pertinentes ante a Alcaldía deste Concello.

Quinto: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei reguladora das Facendas Locais, no prazo DUN MES contado dende o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-administrativo de Ferrol, recurso contencioso-

administrativo, no PRAZO DE DOUS MESES contados dende o día seguinte ao da notificación da devandita resolución. De non recaer resolución no PRAZO DUN MES, a contar dende o día seguinte ao da presentación do recurso de reposición, en virtude do disposto no artigo 14.2 do Texto Refundido da Lei de Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Con todo, se se considera convinte, poderán utilizar e exercitar calquera outro recurso que estimen pertinente.

Sexto: Os recibos correspondentes a esta cobranza que figuran correctamente domiciliados, enviaranse ás respectivas entidades de depósito para que sexan adebedados nas contas dos seus clientes o día 20/10/2020.

Sétimo.- Os recibos non domiciliados poderán ingresarse en calquera oficina das entidades bancarias colaboradoras (Abanca, Banco Santander, Banco Sabadell e Caixabank) empregando os instrumentos de ingreso (recibos) que se enviarán ao domicilio declarado polo contribuínte por correo ordinario. Tamén poderá efectuarse o pago por internet as 24 horas do día accedendo a: <http://www.naron.es>

No caso de non recibir no seu domicilio, ou de perda, do devandito instrumento o obrigado ao pagamento poderá obter un duplicado na Tesourería do Concello de Narón, planta 4º do Concello ata o 18/12/2020, e efectuar o pagamento nos prazos antes indicados, posto que a non recepción non exonera da obriga do pagamento e non impide a utilización da vía de constrinximento.

Días de ingreso: días hábiles nos horarios de caixa establecidos polas entidades colaboradoras para o pagamento dos recibos non domiciliados. Tamén poderá efectuarse o pago por internet as 24 horas do día accedendo a: <http://www.naron.es>

Ademais os contribuíntes que sexan clientes das entidades financeiras colaboradoras do Concello poderán (as 24 horas do día) efectuar o pago accedendo á banca electrónica desa entidade financeira.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

4º.- ROGOS E PREGUNTAS

Non se formularon.

V. e pr.

A ALCALDESA-PRESIDENTA



Asdo.- MARIÁN FERREIRO DÍAZ

O SECRETARIO XERAL



Asdo.- ALFONSO DE PRADO FERNÁNDEZ-CANTELI